



Yma'n chanj dhe bellwolok vysyel (PWW) ow nesa.

Ombareus rag pellwolok marthys gwell.

Herwydh an lagha, gorsavow pellwolok a dal chanjya aga thavethlians a analog dhe vysyel erbynn 17 mis Hwevrer 2009.* Daffar pellwolok junnyys dre gorsenn, loerell po gonis pellwolok kowethas pellgowser ny vydh chanjys, hag pesya a wra aga gonis wosa an jydh na. Byttegyns, daffar pellwolok analog a dhegemmer y davethlians der aylorgh ha nag yw junnyys dhe wonis pellwolok tyllys a'n jevydh edhomm a gyst dreylya PWW rag pesya degemmeres sinell bellwolok wosa dydh an chanj.

*Gorsavow analog a nerth ha klass isel yw kwit.

Pyth yw Pellwolok Vysyel (PWW)?

Pellwolok Vysyel (PWW) yw eghenn nowydh a deknionieth tavethli dres an ayr hag a dhannvon skeusennow dres an ayrdonnow yn bits data, par dell wra jynn-amontya. PWW a weres dhe wosavow pellwolok ow provia skeusennow klerra dres eghenn, son gwell ha dewis a voy a dowlennow.

PWW a wra galladow ynwedh tavethlians diblansedh ughel (DU) rag miroryon a's teves daffar DU ha provia galladewder kesweythresek ha gonisyow data, par ha istitlow deges marthys avonsys.

Prag an chanj?

Yn-dann lagha erviryys gans Kongres – Laghenn Digressyans Difygas 2005 – gorsavow pellwolok leel gans nerth leun a dal skwychya yn farow aga hanolyow analog 17 mis Hwevrer 2009 ha pesya tavethli yn fram bysyal heb ken.

Pyth yw prow PWW?

PWW yw fordh moy effeythus dhe davethli, hag y rydha an ayrdonnow rag gonisyow nowydh. PWW a brovi ynwedh skeusennow ha son mar gler avel gwrys, moy a ganolyow ha tavethlians diblansedh ughel (PWDU) dres an ayr heb kost hogen rag miroryon gans an daffar gwiw. PWDU a wra provia ynwedh pella gonisyow es bythkweth kyns gans pellwolok davethliys heb kost.

Piw a wodhev chanj?

Miroryon neb a dhegemmer sinellow tavethlians pellwolok heb kost der aylorgh war dhaffar pellwolok gans kewaryell analog – ha na rakpren dhe gowethas korsenn, loerell po provier pellgowser – a wra wodhevel chanj.

19.6 milvil a diogethyow dhe'n lyha a dhegemmer sinellow tavethlians pellwolok heb kost bys yn aga chiow, ha neb 70 milvil bellwolok a beryll kelli aga sinell dhiworth gorsavow pellwolok leun-nerth wosa 17 mis Hwevrer 2009, mar ny gemmer perghennogyon an daffar ma kammow dhe ughradha.

Fatell ughradhir orth PWW?

Y hyllir ughradha orth PWW dre sywya onan a dri hamm kyns 17 mis Hwevrer 2009:

- 1. Kyst janjya PWW:** Prena kyst janjya PWW yw ebilyys yn daffar pellwolok analog koth. Kyst janjya a'n gwra galladow dhe besya degemmeres tavethliansow pellwolok heb kost, ha'n kystyow – y hwaytir i dhe gostya yntra \$40 ha \$70 – a vydh prenadow a-varr yn 2008. Governans an unnyans a wra provia tokynyow \$40 a yllir aga devnydhya rag prena kyst a'n par na. *(gwel a-woeles rag pella derivadow)*



DTVAnswers.com

(ow pesya war'n gorthenep)

2. Daffar Pellwolok Vysyel: Prena daffar pellwolok nowydh gans kewarell yw kommendys gans Kessedhek Systems Pellwolok Avonsys (ATSC), mayth yw kost isella yn-dann \$100. Pub pellwolok gans kewarell vysyel a yll degemmeres sinellow bysyel tavethliys dhiworth gorsavow pellwolok, ytho y hyllir pesya degemmeres towlennow heb kost, heb gober misyek.

3. Gonis pes: Ragbrena orth gonis kowethas korsenn, loerell po provier gonis pellgowser rag pesya devnydhya an daffar pellwolok analog, mars yw pub gorsav leel hwensys degys gans an gonis na.

Pyth yw kyst janjya PWV?

Kyst janjya PWV yw devis elektronek hag yw higennys orth an daffar pellwolok analog ha chanjya an sinell vysyel dhe analog, orth y wul gweladow der an bellwolok analog. Y hwaytir kyst janjya a'n par na dhe gostya yntra \$40 ha \$70.

Fatell yllir kavoes tokyn rag kyst janjya PWV?

Governans an unnyans a brovi tokynyow rag kystyow chanjya rag gweres dhe'n kost a ughradha dhe wonis bysyel. Y hyll tiogethyow govynn unn tokyn po dew, \$40

y dalvos peub, a dal bos spenys a-berth 90 dydh. Rag pella derivadow po rag govynn tokyn, galw orth 1 (888) DTV-2009 po 1 (877) 530-2634 (TTY), vysyt www.DTV2009.gov po skrif dhe PO Box 2000, Portland, OR 97208.

A yllir gwitha an daffar PW analog?

Gyllir. Prena pellwolok vysyel nowydh nyns yw marnas unn dewis rag dyghtya an chanj dhe Bellwolok Vysyel. Mar mynnir pesya devnydhya an daffar analog, res yw ombrederi onan a'n dewisyow a syw rag gul an chanj:

1. Prena kyst janjya PWV, a wra chanjya an sinell vysyel nowydh yn furv analog rag daffar analog.
2. Ragbrena dhe brovier gonis korsenn, loerell po kowethas pellgowser rag degemmeres an sinell vysyel nowydh.

Fatell wodhor mars yw daffar bysyel po analog?

Rag chekkya mar kyll daffar degemmeres sinellow tavethlians bysyel dres an ayr, mir orth an lyvrik-perghenn po mir war an daffar y honan rag libel a'n jeves ynno kewarell Kessedhek Systems Pellwolok

Avonsys (ATSC). Y hyllir ynwedh mos dhe wiasva an gwrier ha chekkya galladewder an daffar dre niver-patron an gwrier.

Yw PWDU an keth tra ha PWV?

Nag yw. PWV yw pellwolok vysyel. PWDU yw pellwolok diblansedh ughel. PWDU yw an ughella gnas a BWV, mes nyns yw marnas onan a lies furv. Miroryon a's teves daffar pellwolok dhiblansedh ughel a allsa, martesen, degemmeres towlennow diblansedh ughel heb kost dre aylorgh.

A vydh edhomm a aylorgh arbennik rag degemmeres PWV dres an ayr?

Aylorgh dha a-ji po yn-mes a wra moghhe degemmerys PWV. Dre vras, degemmerys kyfadow PWV a dhervynn an keth sort a aylorgh ha'n huni yw devnydhys a-lemmyr rag provia degemmerys da y nas a sinellow pellwolok analog y'n chi.

Rag gweres ow tewis aylorgh yn-mes rag degemmeres kanolyow pellwolok leel heb kost, vysyt www.antennaweb.org.

DTVAnswers.com

Projekt an Kowethas Kenedhek a Davethlioryon, neb a gows a-barth 8,300 gorsav ha roesweyth pellwolok ha radyo leel heb kost dres oll an pow.

